

天門部  
時令部  
灾異部

地理部  
諸國部

芝峯類說一

廿九

朝  
91  
60

我東方以禮義聞於中國博雅之士殆接迹焉而傳  
 記多闕文獻鮮徵豈不惜哉夫歷代之有小說諸書  
 所以資多聞證故實亦不可以也如前朝補閑集櫟  
 翁稗說我朝筆苑雜記慵齋叢話等編不過十數家  
 而止其間事蹟之可傳於世者率皆泯泯焉余以敷  
 啓劣識何敢妄擬於述作之林略記一二以備遺忘  
 寔余志也若事涉神怪者一切不錄而於古人詩文  
 間或叅以臆見則固知僭越之甚然非敢以己意為  
 是惟具眼者擇焉萬曆四十二年七月中澣李睟光

書

甲寅年

凡例

一為說共三千四百三十五條初出於臆記隨得輒書而篇帙既夥始為分類故或未免舛駁爾

一所記出自古書及聞見者必書其出處而頗以妄意斷之其不言出處者乃出妄意者也

一所引書籍六經以下至近世小說諸集凡三百四十八家所錄人姓名自上古迄本朝得二千二百六十五人具載別卷其或但稱姓某云者不欲亦名亦有可諱焉耳

總目

卷一

天文部

天

日月

星

風雲

雨雪

虹

雷

火

時令部

歲時

節序

晝夜

災異部

災眚

饑荒

人異

物異

卷二

夏小正

三才圖會卷之三

地理部

地

山

水

海

島

井

田

諸國部

本國

外國

北虜

國都

郡邑

風俗

道路

卷三

君道部

帝王

世代

政治

制度

法禁

用人

聽諫

賞功

兵政部

征戰

兵器

兵制

寇賊

民戶

卷四

官職部

官制

除拜

相臣

將帥

學士

史官

使臣

守令

科目

致仕

卷五

儒道部

儒道部

二

三  
易  
詩  
書  
禮  
記

二

學問

心學

黨怨

初學

格言

經書部一

易

詩

書

禮記

春秋

周禮

卷六

經書部二

論語

孟子

中庸

大學

諸傳

諸子

諸史

卷七

經書部三

書籍

著述

文字部

文義

字義

字音

卷八

文章部一

文

文體

文評

古文

辭賦

東文

文藝

卷九

文章部二

文藝部

三



詩法類言總目

三

詩

詩法

詩評

卷十

文章部三

御製詩

古樂府

古詩

唐詩

卷十一

文章部四

唐詩

卷十二

文章部五

唐詩

五代詩

宋詩

元詩

明詩

卷十三

文章部六

東詩

卷十四

文章部七

夢流詩

閨秀詩

倡妾詩

歌詞

麗情

哀詞

唱和

對句

詩禍

詩識

詩藝

卷十五

詩藝

口

口

身言行部

人物部

聖賢

師友

君子

小人

人才

節義

烈女

婦人

戚宦

性行部

善惡

廉潔

儉約

恬退

陰德

奢侈

貪嗇

失節

身形部

容貌

心神

外形

毛髮

夢寐

卷十六

語言部

雜說

俗諺

方言

謬誤

諧謔

卷十七

人事部

昏娶

生產

壽夭

疾病

死亡

喪葬

祭祀

交際

雜事部

姓族

名號

數名

故實

卷十七 人事部

五

三才圖會卷之八

三

異聞

徵應

卷十八

技藝部

書

畫

方術

雜技

音樂

技樂

巫覡

外道部

仙道

脩養

禪門

卷十九

宮室部

宮殿

祠廟

學校

寺刹

城郭 陵墓

服用部

冠巾 衣服 朝章 絲幣

器用 金寶

食物部

食餌 酒 穀 菜

果 藥

卷二十

卉木部

花 草 竹 木

花 草 竹 木

花 草 竹 木

鳥魚鱗介虫

禽虫部

鳥

魚

鱗介

虫

芝峯類說卷一

天文部

天

說郭曰清氣未升濁氣未沉游神未靈五色未分中  
 有其物冥冥而性存謂之混沌太始之數一一為  
 太極太極者天地之母也太易之數二二為兩儀  
 兩儀者陰陽之形也泰素之數三三為三才三才  
 者天地之備也此即老子所謂一生二二生三三  
 生萬物者也

玉世貞論太極圖說曰無極而太極吾不敢從其兩



也動而生陽靜而生陰吾不敢從其生也余謂弁  
州此言亦自有所見但於周子之意未之深究耳  
裨史曰天一日運轉一遭必有限也既曰有限不知  
限外又是何物雖并有百千萬億箇天地無了期  
誠可疑也朱子云某六七歲已憂此事至今未見  
如何然則聖賢於此亦有所未窮者如曰其大無  
外其小無內又曰無極而太極只就理上說耳恐  
猶未足以釋此疑也莊子云六合之外聖人存而  
不論釋氏云四維上下不可思量者是也

列子云終日在天中行止張湛註曰自地以上皆天

也此言是蓋天無實形地上空虛處便是天爾  
 史記註邵子以自有天地至于窮盡謂之一元一元  
 有十二會一會有一萬八百年子會生天丑會生  
 地寅會生人至戌會則閉物而消天亥會則消天  
 而消地至于會則又生天而循環無窮矣自寅會  
 至午會該四萬五千六百年正唐堯起甲辰之時  
 云以此計之自寅會迄卯辰巳會共四萬三千二  
 百年餘二十四百年入於午會為唐堯之世則自  
 唐堯甲辰至 皇明萬曆癸丑又四千年合六千  
 四百年自今距午會之終四千四百年已過午會

之半宜乎陽氣漸衰而陰氣自勝也

續博物志曰四表之內總有三十八萬七千里然則天之中央上下各半之處則一十九萬三千五百里地在于中是地去天之數也又曆象集曰天地相去十七萬八千五百里以此言之莊子所謂搏扶搖而上者九萬里乃指半天而言爾

吾學編云天文七曜三垣二十八宿為大七曜曰日大明陽之精光君象也月夜明陰之精光后象也日輪大月較以日道近天在上月道近人在下五星為水火金木土即人間日用五府之精光也三

垣曰天市明堂位也太微朝廷位也紫微宮寢位也二十八宿分列四方各守其野以供紫微之帝云云余嘗見歐羅巴國人馮寶寶所畫天形圖曰天有九層最上為星行天其次為日行天最下為月行天其說似亦有據

天文類抄云天河一名天漢蓋天一所生凝毓而成天所以為東南西北襟帶之限也天下河漢之源蓋出於此又云萬物之精上為列星河精上為天漢未知孰是

日月

列子言孔子見小兒辨日遠近云云宋周日用曰日  
當中而熱者炎氣直下也譬猶火氣直上在兩旁  
者其炎涼可悉是明初出近而當中遠矣

古人言月本無光受日光以為明去日有遠近受光  
有增損惟正對而光滿故自朔至望則由近而遠  
所以光漸生而極於盈自望至朔則由遠而近所  
以光漸減而極於虛此天地陰陽消長盈虛之理  
也又邵子曰月體本黑受日之光而白余謂月蝕  
既則其色暗黑此可知矣

淮南子曰月中有物婆娑乃山河影其空處海水影

也酉陽雜俎曰月中蟾桂地影也空處水影也朱子以為非地影乃地形遮隔耳余意月質本黑雖外為日光所射而其有黑暈蓋其在內之本質也

太玄經日月雌雄之序謂大小月也素問月之死生以月虧滿而言按初一日為死魄十六日為生魄韻府云朔後明生而魄死望後明死而魄生禮記曰日出於東月生於西是也

東坡曰玉川子月蝕詩以蝕月者月中蝦蟆梅聖俞日蝕詩以蝕日者三足烏此固俚說而按戰國策云日月凋暉於外其賊在內淮南子云月照天下

食於詹諸註詹諸月中蝦蟆也其說亦久矣

寰宇雜記云七政曰日月木火土金星四曜曰羅  
 睺計都紫炁月孛通七政為十一曜南斗六星曰  
 天府天相天同天梁天樞天機北斗七星曰貪狼  
 巨門祿存文曲廉貞武曲破軍十二時曰半夜子  
 雞鳴丑平朝寅日出卯食時辰禺中巳日中午日  
 昃未晡時申日入酉黃昏戌人定亥今俗謂初更  
 鍾動曰人定蓋以此也按淮南子曰日淪于蒙谷  
 為定昏

道經云日姓張名表字長史月姓文名中字子光又

日中有青帝赤帝白帝黑帝黃帝月中有青帝夫  
人赤帝夫人白帝夫人黑帝夫人黃帝夫人以至  
五嶽四海五星皆有姓名及字酉陽雜俎二十八  
宿皆有姓又泰山姓圓名常龍衡山姓丹名靈峙  
華山姓浩名鬱狩恒山姓澄名漕淳嵩山姓壽名  
逸群呼之令人不病又四海神各有姓名其說多  
誕故不盡錄

星

五星曰木歲星火熒惑土填星金太白水辰星十二  
辰曰子玄枵一名天龜齊也丑星紀吳越也寅析



天官書卷一

三

木燕也卯大火宋也辰壽星鄭也巳鷄尾楚也午  
 鷄火周也未鷄首秦也申實沉晉也酉大梁趙也  
 戌降婁魯也亥陬訾一名豕韋衛也又二十八宿  
 斗曰南斗牛曰牽牛女曰須女亦曰婺女室曰營  
 室壁曰東壁主觜曰觜觿參曰參伐井曰東井鬼曰  
 輿鬼又二十八宿為經五星為緯

釋史言世以二十八宿配十二州分野僅以畢昴二  
 宿管異域諸國殊不知十二州之內東西南北不  
 過一二萬里天之所覆者廣而華夏所占者牛女  
 下十二國耳牛女在東南故釋氏以為南瞻部州

云此說似近按部州之州亦作洲盖以中國亦在  
環海之內故也

星部地名角亢氐鄭兗州房心宋豫州尾箕燕幽州  
斗牛女吳越揚州虛危齊青州室壁衛并州奎婁  
魯徐州昴畢趙冀州觜參魏益州井鬼秦雍州柳  
星張周三輔翼軫赫之荊州此二十八宿之分野也  
按元音岡平聲氐上聲觜音此平聲與高亢之亢  
氐羌之氐口觜之觜不同

說郛曰陽精為日日分為星故其字日生為星又曰  
北斗七星第一天樞第二璇第三璣第四權第五

玉衡第六開陽第七璣光第一至四為魁第五至

七為杓

按青丘星名天文類抄曰青丘主東方三韓之國此以地名之者也又造父伯樂王良天駟皆星名天子御官也此以人名之者也

裨海云二十八宿音秀者考其義止當如本義宿者日月五星之所宿也然韓昌黎南山詩落落月經宿亦作去聲用

柳子厚乞巧文曰天女之孫嬪于河鼓謂織女也按天文志織女星天女也今謂天女之孫別有所據

耶又爾雅牽牛星謂之河鼓而天文志河鼓星在牽牛之西云然則河鼓與牽牛不同

萬曆壬辰歲星守我國分野而倭賊入寇人以為國家雖喪敗終必興復其言果驗

### 風雲

小說曰風不鳴條者四十里折大枝者四百里折大木者五千里三日三夕者天下盡風二日二夕者天下半風一日一夜者其風行萬里余意非但風也雨亦宜然

古語曰春之風自下而升上夏之風橫行於空中秋

之風自上而降下冬之風着土而行余聞諸海上  
人則此言良是

舟州稿曰倭船之來恒在清明之後前乎此風候不  
常清明後方多東北風且積久不變過五月風自  
南來不利於行重陽後風亦有東北者過十月風  
自西北來故防海者以三四月為大汛九十月  
為小汛聞趙完璧亦言大海中舟行以風便故每  
三四五月可行六月以後不得行舟云是也

周禮保章氏以五雲之物卜吉凶水旱豐蕪之祲象  
注二分二至觀雲氣青為虫白為喪赤為兵荒黑

為水黃為豐所謂南畝黃雲知歲熟是也但王介甫詩割盡黃雲稻正青乃指麥熟而言

### 雨雪

小說曰上旬交月謂朔日也雨則主月內多雨二十五日有雨則主久雨又曰四月朔雨則主旱然不盡驗也

古語云春雨甲子赤土千里夏雨甲子棄船入布秋雨甲子禾頭生耳冬雨甲子牛羊凍死又曰甲申雨主米貴壬子雨主久陰又曰甲申猶自可乙酉怕殺人杜詩冥冥甲子雨已度立春時蓋以已過

立春故憂之

素問曰地氣上為雲天氣下為雨註陰凝上結則合以成雲陽散下流則注以為雨雨從雲以施化雲憑氣以交合云世以男女交合為雲雨蓋本於此按巫山神女朝雲暮雨事古人多用之此則以神女而言非取交合之義

小說云臘雪熟麥春雪殺麥田家以此占豐儉古語曰臘前三白韓詩曰積雪驗豐熟皆指冬雪而梅聖俞有賀春雪詩曰三公免責百姓喜何耶  
夏不雨冬不雪為旱一也舊有祈雪祭故李退溪及

栗谷集有祈雪祭文聞 皇朝亦行之故萬曆中  
張居正有賀雪表其重如此古語云冬無雪民多  
疾夫使癘氣消而土脉潤蝗虫辟而年麥熟皆積  
雪之驗也且李夢陽集有謝雨文今祈晴得雨而  
無報祀蓋亦闕典云

虹

張大嶽文曰虹螭螭字皆從虫殆有物為之儒者以  
為陰陽邪淫之氣臆說也沈存中筆談世傳虹能  
飲澗信然嘗雨霽見虹兩頭皆垂澗中又老僧言  
山中雨後見一物如大蝦蟆鼓腹吐氣遂成虹霓



今人常言氣吐虹霓者不妄僧所見物蜥蜴耳余  
謂虹能飲澗非虹能飲疑水中有物噓氣成形如  
蜃樓海市之類耳按霓爾雅作蜺雌虹也

### 雷

張大嶽曰雷字古字作田為龍蛇蟠屈之狀易雷在  
地中雷出地奮曰在曰出朋其有物也殆亦蛟龍之  
類秉純陽之至精者隨陽氣之出入以為起蟄五行  
唯火性酷暴如銃砲火藥一發金石皆炸裂雷得火  
之精故其氣也在石則裂在木則折在屋則毀其氣  
着物無不立死人畜之死於雷皆焦爛文如符篆是

火氣之所灼也其死者偶與雷相值非雷擊之也有  
近之而不傷者其火毒偶未着身也推此言之則謂  
雷為陰陽擊搏之氣與罰殛有罪云者悉臆說也  
周日用曰以霹靂木擊鳥影其鳥應時落地云此與  
射工射人影其理同也

火

佛書云龍火得水而熾人火得水而滅沈括筆談曰  
雷火金石皆鎔而草木不為焦灼然西京雜記漢  
惠帝七年嘗震南山林木皆火燃至末云莊子所  
謂水中有火乃焚大槐是矣

詩經卷一

抱朴子曰水性純冷而有温谷之湯泉火性純熾而有蕭丘之寒燄駱賓王文曰蕭丘之火漸熱按南海蕭丘之上有自生之火春起秋滅又拾遺記云海西泉玉山穴中有陰水其色如火名陰火曹唐詩漲海潮生陰火滅是也

時令部

歲時

支干名甲曰闕逢乙曰旃蒙亦曰端蒙丙曰柔兆亦曰游兆丁曰強圉亦曰強梧戊曰著雍亦曰徒維己曰屠維亦曰祝犁庚曰上章亦曰商橫辛曰重

光亦曰昭陽壬曰橫亥亦曰玄默癸曰昭陽亦曰  
 尚章子曰困敦丑曰赤奮若寅曰攝提格卯曰單  
 闕亦曰亶安辰曰執徐巳曰大荒落午曰敦牂亦  
 曰大律未曰協洽申曰涖灘酉曰作噩戌曰闍茂  
 亥曰大淵獻

楊升庵曰歲陽名始見於爾雅攝提格以下二十二  
 名是也後世相傳以為古甲子而獨史記曆書紀  
 見之疑漢世術家創為此名而後人竄入爾雅堯  
 舜三代恐無是稱也楚辭攝提貞于孟陬盖用曆  
 家之言也司馬公取以紀通鑑而綱目悉改之按

十干曰陽各十二支曰陰各升庵所謂攝提以下  
二十二為陽名者非是

素問論十干曰甲乙草木始甲而乙屈也丙丁萬物  
炳然著見而強也戊己戊茂也已起也萬物含秀  
者抑屈而起也庚辛庚更也辛新也萬物更茂實  
新成也壬癸萬物閉藏懷妊於下揆然萌芽也論  
十二支曰子者一陽肇生之始壬而為胎丑陰尚  
執而紐之寅津也謂物之津塗卯茂也陽氣盛而  
孽茂辰震也物盡震而長巳起也物畢盡而起午  
長也大也物皆滿長大未味也物成而有味申身

也書物體皆成酉緝也萬物皆緝縮收斂成滅也  
萬物皆衰滅亥劫也陰氣劫殺萬物也余意養生  
書勿食申後飯者亦以食道至酉而斂閉故禁之  
歟

十二辰子鼠丑牛寅虎卯兔辰龍巳蛇午馬未羊申  
猴酉鷄戌狗亥猪也按說郭云子寅辰午申戌俱  
陽故取奇數為名鼠虎龍皆五指馬單蹄猴狗亦  
五指也丑卯巳未酉亥俱陰故取偶數為名牛兩  
蹄兔缺唇蛇雙舌羊鷄猪皆四爪也其說似有理  
正月曰端月陔月二月曰令月始月三月曰嘉月病

皇極經世一

十一

月春月四月曰正陽月余月陰月五月曰暑月臯  
 月六月曰季月朝月七月曰涼月相月八月曰壯  
 月桂月九月曰玄月菊月十月曰陽月良月十一  
 月曰辜月暢月十二月曰除月涂月嚴月又甲丙  
 戊庚壬為剛日乙丁巳辛癸為柔日亦曰隻日雙  
 日

閏月二十年一周如萬曆丁丑年有閏八月至丙申  
 又閏八月庚辰年有閏四月至己亥又閏四月癸  
 未年有閏二月至壬寅又閏二月大都如此  
 東方朔占書正月一日雞二日狗三日羊四日猪五

日牛六日馬七日人八日穀清明溫和為蕃息安  
恭之候陰寒慘冽為疾病衰耗云杜詩元日至人  
日未有不陰時蓋用此耳

差穀全書曰正月辛未倉頡死日勿入學二月辛未  
扁鵲死日勿服藥八月上庚河伯死日勿行船抱  
朴子曰馮夷渡河溺死一云馮夷服花八石為水  
仙此言皆出雜書恐未可信

裨海曰俗以每月初五十四二十三為月忌出行必  
避之其說不經云今俗以此日為三破日者未知  
何據



小說曰日食正陽之月先儒以為四月不然也正謂  
四月陽謂十月詩曰正月繁霜又曰歲月陽止蓋  
四月純陽不欲為陰所侵十月純陰不欲過而干  
陽此言似是

古者舉事皆避月晦說者以陰之窮為諱春秋晉楚  
鄢陵之戰特書甲子晦以見譏是也在前祀享亦  
避是日云

續博物志云木日造麩則酸水日造醬則生虫九焦  
日種穀則不生牙六合日遣鬼鬼不去火日安蜂  
則蜜苦土日種麻則不生信斯言也古人凡有動

作必擇日者蓋有意焉

節序

月令仲春鳴鷓鴣韻府羣玉曰鷓鴣一名子規春分鳴則象芳生秋分鳴則象芳歇楚辭曰恐鷓鴣之先鳴百草為之不芳是也又詩曰七月鳴鷓鴣博勞也亦名鷓陰氣動而鳴陽氣復而止陰賊之鳥未知鷓與鷓鴣是一物否也

月令仲春柷始華素問註作小柷華蓋今俗所謂小柷也

月令戴勝降于桑註頭上毛花成勝故名司馬相如

賦云西王母高然白首戴勝而穴處按勝者婦人  
首飾謂之華勝唐制立春宰執親王賜金銀幡勝人  
日賜綵纒人勝馬懷素詩三陽候節金為勝籓東  
坡詩頭上銀幡笑阿咸是也又蕪題詩初年競帖  
宜春勝按荆楚記立春剪綵為燕戴之有宜春二  
字蓋唐俗也

月令王介生按韻會三禾根可生食故得禾名然王  
介實小而以王稱何也或言王介即今俗所謂籍  
田介也其種本小而先諸禾而生薦進于王故名  
之未知信否

月令夏其虫羽王奕曰鳳羽虫之長故南方之宿為  
 朱鳥又禽經赤鳳謂之鶉蓋鳳生于丹穴鶉又鳳  
 之赤者故取象焉吳興沈氏以朱鳥為丹鶉是也  
 月令鴻鴈有四候按于寶曰八月鴻鴈來乃大鴈也  
 鴈之父母九月鴻鴈來賓小鴈也鴈之子也十二  
 月鴈北鄉亦大鴈鴈之父母正月候鴈北亦小鴈  
 鴈之子也余意鴻鴈來言鴈始向南而來也鴻鴈  
 來賓言至是悉來而為賓賓者對主而言以見鴈  
 北方之鳥而賓於南方也鴈北鄉鄉向也言鴈始  
 向北也候鴈北言至是悉歸北也其曰候鴈通稱

之辭

格致叢書云夏小正曰十月黑鳥浴黑鳥烏也浴謂  
 飛乍上乍下也諺曰鴉浴風鵲浴雨又曰鷄浴土  
 月令仲冬鶡旦不鳴註鶡旦夜鳴求旦之鳥也曆書  
 旦作鳴杜詩鴉鶡催明星按鴉鶡似伯勞而小催  
 天明之鳥也蓋即鶡旦記亦作盍旦又歐陽公詩  
 曰惟聽夏鷄聲夜夜耕曉月按夏鷄鴨鵝也催明  
 之鳥云未知與鴉鶡同否也

月令仲冬荔挺出鄭玄註荔挺馬薤也今謂十一月  
 為荔月以此周易覓陸夬夬註以為今馬陸覓歲

陰氣之多者是也揚用脩曰蔡邕高誘皆言笏以  
挺出鄭玄以笏挺為名者誤矣

禮記月令征鳥厲疾註鷹隼之類善擊故曰征韻會  
曰鴟鳥名齊魯間謂題肩為鴟通作征韻府羣玉  
曰題肩鴟也又藝文類聚作鷲鳥厲疾

小說云龍星木之位春屬東方心為大火惧火盛故  
禁火是以寒食有龍忌之禁未必為子推設也此  
語似是唐詩以寒食為火忌亦此也按周官司烜  
氏仲春以木鐸巡火禁于國中為季春將出火也  
然則禁火無乃周之遺俗歟

二十四氣中小滿卽種名義不可解說郭云小滿謂  
麥之氣至此方小滿而未熟也卽種諸種之有卽  
者麥也至是當熟矣或云麥至是而可收稻至是  
而不可種也此兩說者亦似未瑩

風土記南中六月有東南長風謂之黃雀風時海魚  
變為黃雀故名按宛委餘編曰九月雨為黃雀雨  
此以月令九月雀入大水為蛤故也蓋二物互相  
變化猶蚤蟲隨時變形亦六月作五月似是

東方朔傳曰伏日賜肉楊惲書曰歲時伏臘烹羊烹  
羔按秦初作伏祠社用伏日漢俗因之賜肉云是

也

按漢書伏者陰氣將起迫於殘陽而未得分故名伏  
日和帝時初令伏閉盡日註伏日萬鬼行故盡日  
閉不干他事程曉伏日詩曰平生三伏時道路無  
行車閉門避暑卧出入不相過今世襍襪子觸熱  
到人家主人聞客來頻屢感奈此何

按七月秋風起八月風高九月風落杜詩曰八月秋  
高風怒號又曰秋風落洞庭是也

蔡邕曰青帝以未臘赤帝以戌臘白帝以丑臘黑帝  
以辰臘黃帝以辰臘云今我國臘用未日蓋以東



方屬木故也按 皇朝以冬至後茅三戌為臘云  
按共工氏之子冬至死為疫鬼畏赤小豆故是日作  
赤豆粥以禳云而余見中朝人冬至不作赤豆粥  
按劉子翬至日詩曰豆糜厭勝憐荆俗乃知荆楚  
為然

張說耗日飲詩曰正月今朝減流傳耗磨辰還將不  
事事尚醉俗中人按正月十六日古謂之耗磨日  
是日必飲酒不開倉庫云又唐以二月朔為中和  
節今人猶以為俗節蓋襲唐制也

東方舊俗以歲首及正月上子午日二月初一日謂

之慎日又按新羅時以龍能興雨馬能服勞猪鼠  
耗穀每歲首辰午亥子日設祭祈禳禁百事相與  
遊樂謂之怛怛輿地勝覽曰怛怛言悲愁而禁忌  
也

中朝於元正前後十五日百官休假諸司封印停廢  
一切公務在高麗時元正前後並七日給假而本  
朝則無此例矣

今俗正月十五日喫雜果飯謂之藥飯中朝人甚珍  
之按新羅時正月十五日有烏啣書之異故每於  
是日以糯飯祭烏蓋曰此成俗也

按高麗史國俗自王宮國都以及鄉邑正月望燃燈  
二夜至恭愍王朝亦然而崔怡於四月八日燃燈  
為樂云兩說不同今俗四月八日燃燈人謂出於  
佛家以釋迦生日故也

俗以上元月出占歲豐稔又是夜為踏橋之戲始自  
前朝在平時甚盛士女駢闐達夜不止法官至於  
禁捕姜克誠詩曰年少佳辰記上元踏橋玩月醉  
芳樽是也壬辰亂後無此俗矣

唐詩曰田家無五行水旱卜蛙聲按三月初三上巳  
日聽蛙聲占水旱故諺云田鷄叫得啞底田好稻

把由鷄叫得響當內好牽漿

六月十五日俗謂流頭按輿地勝覽曰新羅舊俗以是日浴東流水目為禊飲謂之流頭宴其來久矣但食水團餅者未知何據或以為出於古槐葉冷淘之義云

### 晝夜

漢舊儀中黃門時五夜之法謂甲乙丙丁戊也顏氏家訓曰漢魏以來謂甲夜乙夜丙夜丁夜戊夜又謂之五夜亦謂之更漢天文志戊午乙夜月蝕熒惑晉天文志未熹三月丙夜月蝕既丁夜又蝕既

續素雜記云五夜者謂半夜時如日午也杜詩五  
夜漏聲催曉箭正為五夜耳余意此說恐誤此五  
夜猶言五更韓詩註云夜分為午李賀詩羅幃午  
夜愁是也

唐制京城內金吾衛軍昏曉傳呼又置六街街鼓以  
防奸盜此法最備嘗見皇朝北京東夜則街卒守  
信地傳呼至曙而罷我國巡更之法最為踈虞許  
多城內四五殘卒一番巡過何能禁奸而戢盜乎  
謂宜倣中朝之制為得也

一日十二時一時分八刻子午各加二刻一晝夜共

一百刻韓詩曰百二十刻須臾間豈唐時漏刻與  
今異耶凡言晝夜者日出後日入前為晝日入後  
日出前為夜此曆家法也

李鄴詩二十五聲秋夜長按稗史夜漏五五相逋為  
二十五至宋去五更後二點又并初更去二點者  
尾止二十一點至今不改云蓋中朝漏點與我國  
同矣

災異部

灾眚

博物志曰麒麟闕而日蝕鯨魚死而彗星出嬰兒啼

則婦乳出按庾信文曰雲生伏鼈星出鯨魚韻府  
羣玉云旬始星名一曰妖氣見北斗旁青黑色象  
伏鼈晉書天垂伏鼈是也

論衡曰周昭王二十六年甲寅四月八日井泉溢宮  
殿震夜恒星不見太史蘇繇占為西方聖人生余  
謂佛之生乃中國之大變此紀異也列子亦曰西  
方有聖人則周之時已知有佛矣

京房易占曰日食乙酉君弱臣強司馬將兵反征其  
王按魏高貴鄉公五年正月乙酉朔日有食之五  
月有成濟之變其應驗甚妙不下於焦易矣

按漢成帝時宮中雨一蒼鹿食之甚羨云古有雨金  
雨錢雨魚雨石而鹿則尤恠矣又孫吳時金陵雨  
五穀於貧民家富者則不雨云異哉孰主張是

漢書靈帝時京師馬生人風俗通曰養馬胡蒼頭交  
馬以生子云又唐書乾符二年河北馬生人京房  
易傳上曰天子諸侯相伐厥妖馬生人聞頃年獐  
兵與牝驢交合昔盤瓠之裔為蠻白狼之產為突  
厥蒼鹿之生為蒙古蓋此類歟

東晉時地生白毛孫盛以為人勞之異宋高宗時地  
生白毛童謠曰地上白毛生老少一齊竹姜沅言



在倭中目見天雨毛連日不止頃在戊申己酉年  
間天雨水實者屢矣未知何應也

筆談曰熙寧九年恩州武成縣有旋風自東南來大  
木盡拔官舍民居略盡悉卷入雲霄中縣令兒女  
奴婢卷去復墜地死傷者數人民間死傷巨失者  
不可勝計縣城悉為丘墟云恠矣

東閣雜記 中廟朝戊寅五月十五日京外地大震  
太廟殿瓦飄落闕內墻垣塌倒民家或有頽圮男  
女老少皆出外露處以免覆壓 上以災異巡訪  
大臣六卿三司其後赴京回還使臣聞見錄中言

蘇州常熟縣有白龍一黑龍二乘雲而下口吐火  
 燄隨以雷電風雨卷去傍近民舍三百餘戶船數  
 十隻飄入半空墮地粉碎乃同日也云夫龍之威  
 至於如此亦異矣

新羅太宗王時吐含山地燃三年而滅其巖崩碎為  
 米食之如陳米云近世肅清門外岩石罅有液流  
 出清者如酒濃者如餅人爭取食余取來見之則  
 堅疑不堪食蓋見日故也如地燃地陷之變近歲  
 亦多有之

天文志云敵上氣如匹帛者此雄軍之氣不可攻也

若在我軍上戰必大勝按世宗朝崔閔德西征時將戰軍上忽有白氣如匹帛日官曰大勝之兆果大捷

先王朝嘗旱甚下教曰昔于公慟哭三年旱今日未知幾于公慟哭耶即日䟽放囚人聖德至矣人皆感激

萬曆丁丑蚩尤旗出尾箕星乃燕分與我國同分野其長竟天累月不滅是歲日本倭酋平秀吉始有犯順之謀後十五歲壬辰寇陷我國皇朝動天下之兵征勦七年而始定夫以蕞爾小醜跳梁海

島中逆節乍萌而象見于上如此吁可畏哉

戊子六月穩城地二更有火塊如人佩弓矢飛而向  
北震雷隨之如水拆之聲越四年倭寇闌入六鎮  
是氣之先至者也

壬辰以前朱洪竊去社稷位版李山盜宗廟金銀寶  
冊而火之又有賊偷 御座日月鏡繼以鄭汝立  
謀逆之變至於健元陵寢鳴漢水赤山九巨天穹龜  
出海山等變異不可悉記

癸巳元日白氣三道自西北亘天橫貫大陽傍有雙  
虹圍暈二匝識者以為勝敵之象越七日天兵克

平壤

萬曆乙巳余守安邊七月十九日自酉時急雨如注  
 擗風裂屋至二更大水入城瀰滿如海不見涯際  
 境內閭家殆盡沉沒人畜漂去者甚多至有全村  
 無一遺者翌朝雨歇則牛馬鷄犬蛇虺山禽野獸  
 水族之類堆死於洲渚或海濱者如山而臭腐人  
 不堪近山崩岸塌川原變遷沙石蔽野野無餘穗  
 至於山中大木亦皆根拔浮下於德源之境填塞  
 數十里人不通行燒火月餘方盡是開闢以來未  
 有之大變也或疑非天降雨乃海翻而為災云

先王丁未六月湖西及嶺南雨雪大如鴨卵靡碎禽  
鳥墮殺草木咸鏡南道雨雪霜雪日候寒凜如冬  
又有訛言取人膽之說盛行白晝城中人不單行  
傳及外方八道皆然人心洶懼道路阻絕數月後  
方定十月彗星見三台之間尾指文昌及北斗魁  
長十餘尺色蒼白逾月始滅明年 上昇遊是其  
驗也

癸丑十月野雉入都城殆遍於市肆不知其數至於  
飛集闕中市井小兒爭相捕食之如是月餘亦恠  
矣

余守安邊日有鳥鳴于衙南樹上翌早邑人駭曰鳥  
鳴此地者官必適去相譁以為憂余聞而恠之使  
客喻邑人曰鳥鳴非恠爾言為恠余且不以適去  
為憂爾奚憂焉未幾果免歸亦恠矣

饑荒

續博物志曰太歲在丑乞漿得酒太歲在巳販妻鬻  
子言丑年豐巳年歉也

鶴林玉露曰歲將饑小民餐必倍俗謂作荒以此觀  
之非今時獨然

小說曰杜甫寓蜀蚕熟時每與妻子躬行乞曰如或

相憫惠我一絲兩絲噫予羨之窮至於行乞甚矣  
其赴奉先詩曰入門聞號咷幼子饑已卒所愧為  
人父無食致夭折傷哉傷哉

新羅太宗王朝時和歲豐布一匹直租三十石或五  
十石高麗恭愍朝京城飢大布一匹直米五升此  
東方衰盛之極也頃在 先王朝癸巳甲午年間  
新經倭寇木綿一匹直米二升一馬價不過三四  
斗飢民白晝屠剪至父子夫婦相殺食重以疫癘  
道路死者相枕水口門外積屍如山高於城數丈  
募僧徒埋瘞之訖乙未乃止翌年丙申豐稔綿布



一匹直米三四十斗豆則五六斗人始免菜色  
而酒肉豪侈甚於平時

癸巳京城倭退後餓莩滿城一日死者不紀其數

先王教曰近日飢民無術可濟予仰天痛悶欲先死  
而不得有司日進白米六升予平日素不食三時  
雖三升之米寧能盡食今宜除米三升分送于賑  
濟五場又內出白米若干石令政院作粥以饋飢  
民其愛民之意至矣時庭試及第崔啓沃放榜日  
戴賜花持紅牌就賑濟場喫粥焉

人異

鳥之大者曰鵑魚之大者曰鯨蛇之大者吞象蝮之  
 大者如山蚯蚓之大者長至七十尺在高麗史物  
 有如此人亦宜然如防風氏身橫九畝何足疑乎  
 神異記言東南大荒中有樸父焉夫妻並立其高千  
 里此說固誕矣按古記云新羅時有女尸漂泊于  
 海岸長五十尺或云長三十六尺然則博物志所  
 謂龍伯國人長三十丈又曰日東北極人長九丈  
 又曰東海之外大荒之中有大人國者似有徵矣  
 史記註始皇十八年巴郡出大人長二十五丈六尺  
 又漢書五行志曰始皇二十六年有大人長五丈

卷一

二十六

足履六尺皆夷狄服凡十二人見于臨洮故銷兵器為金人十二云其長至二十五丈則恠矣誕矣後漢書曰東沃沮海中得一布衣其形如中人衣而兩袖長三丈又見一人乘破船頂中復有面與語不通不食而死云郭璞長臂國貧曰雙臂三丈體如中人捕魚海濱是也按歐羅巴輿地勝覽曰區度窳國在東北方其人甚長而衣短云疑即此也豈古人未之知耶

漢書哀帝時豫章男子化為女嫁而生一男夫化女恠矣生男則尤恠矣

宋孝武寵崑崙奴註其狀似崑崙國人崑崙國在林  
 邑南按南蠻傳林邑以南皆拳髮黑身通號為崑  
 崙云蓋海鬼類也晉簡文李后形長而黑號崑崙  
 云余嘗見暹羅國地圖海中有大崑崙小崑崙疑  
 即此地本草曰鷄舌香出崑崙交廣者亦此也

劉提督紆乃四川總兵萬曆癸巳領蜀兵出來其軍  
 有海鬼者出南蕃面色深黑如叅能潛行海底而  
 其貌如鬼故名有長人者形體絕大幾二丈不堪  
 騎馬乘車以行疑即長狄巨無霸之遺種也以此  
 觀之天壤之間何物不有春秋時長狄僑如長三

卷一

二十一

丈或云五丈漢張仲師二尺二寸東郡短人纔七寸此大小之辨也

按雜書東海有國為女感風而孕北方有國無男照井而生人謂不經而不信之其不信宜矣然今鷄與鵝鴨其雌獨處而能生卵是則人所目見理固有不可知者豈女國獨陰無陽故只能生女歟

古今注齊后怨王而死變為蟬述異記楚莊王時宮人一朝化為野蛾飛去云此何理也豈宮女多怨曠幽思故有此異歟又小說言人或死而化為飛禽與蝶者抑何理也

雲南志曰元時脫脫平越窩見射死人有尾長三寸  
許詢之士人謂此等間有之年老徃徃化為虎云  
恠矣

車復元以製述官隨通信使徃還日本嘗言在日本  
時得一書見之皆記水族變化為人之事蓋海島  
鴻荒之世乃有許多恠事也

昔唐朱粲張茂昭五代張從簡薛震嗜食人肉皇明  
新安王有熺喜生食人腦肝膽噫豈獨盜跖然哉  
尤可恠者唐左史郎中任正名舒川刺史張懷肅  
好服人精知福建院權長孺嗜人爪甲近世江陵

有姓金者喜吮人腎囊為天下至味常於山寺與  
僧共處日以吮囊為事僧徒苦之此其食性之不  
可知者

物異

昆虫無不羽化固也羽虫而化鱗物鱗物而化麀鹿  
何理也田鼠為鴛鴦蠖為鶉為蟹鯉鮪為龍鷄為  
蛇雀為蛤雉為蜃蛇為雉蟾蜍為河豚恠矣人有  
化為虎為牛為獐為魚鼈禽鳥亦何理耶歲與當  
歸乃植物而亦變為蛇此理之尤不可知者夫十  
二類之生充滿天地間生生化化擾擾紛紛造物

真戲劇也哉

龍聽以角非真聾也是以角為耳者也牛聽以鼻非  
無耳也是以鼻為耳者也龍不翼而飛是以不翼  
為翼也蛇無足而行是以無足為足也貓食薄荷  
而醉是以薄荷為酒者也貊食銅鐵而飽是以銅  
鐵為食者也故形不可一體而求理不可一例而  
推

草木無情而何者為石楠有雌雄之感禽獸有偶而  
靈狸自為牝牡蓋物異也

虫鳥卵生而鷓鴣吐子仙鶴化胎余所目見則蟾蜍



亦吐子矣人亦有卵生者徐偃王與新羅始祖是也如彭祖剖母脇老子剖母左腋釋迦破母右腋而出亦異矣

物之化生理也至如鳥有蚊母草有蚊母虫母果有蚊蛤此則理外之理也世人局於見聞以其小知而欲窮天下之理烏可哉

說郭等書曰炎洲在南海中去岸九萬里有風生獸狀如豹火燒不死劍斫不入以鐵錘打頭十數萬乃死其口向風便活以石上菖蒲塞其耳鼻則死取其腦和菊服長生又海南有魚如鼈斬其首乾

之椽去其齒而更生亦鱈魚也宛委餘編曰風母  
如猿打殺遇風即活醫方曰水蛭火乾經年得水  
亦活云蓋異種也

嶺南志云有物如蒲帆過海海人擊之乃蝴蝶也得  
肉八十斤噉之極肥美又蜈蚣大者長百步南越  
志曰大者其皮可以鞞鼓其肉為脯美於牛肉今  
我國南邊亦多蜈蚣有長過尺者以百步准之特  
眇小者耳

按本草曰虎與鹿兔壽皆千歲五百歲毛變白醫學  
入門曰狼壽八百歲三百歲善變人形熊壽五百

山海經卷一

三十一

歲能化為狐狸又曰獼猴八百歲化為猿猴五百  
歲變為猩猩一千歲變為蟾蜍抱朴子曰狐壽八  
百歲三百歲變為人本草曰蝙蝠在乳石洞中食  
其精汁色白壽千歲相鶴經曰鶴千六百年色白  
又龜鵠壽皆千歲宛委餘編曰肉芝即萬歲蟾蜍  
千歲蝙蝠千歲靈龜風生獸千歲燕之類服之令  
人長生云蓋龜燕蝙蝠蟄而服氣故能壽而蟾蜍  
又最壽矣

酉陽雜記云夜行遊女一曰天帝女夜飛晝隱如鬼  
神衣毛為飛鳥脫毛為婦人喜取人子凡飴小兒

不可露處小兒衣亦不可露晒毛浴衣中當為鳥  
崇此言似誕而今按醫方小兒門無辜疳是也

辛卯年夏三陟襄陽蔚珍等邑有蟻虫蔽海而出彌  
漫海岸如戰鬥之狀又京中柳謐家庭前五六間  
地黑蟻遍布或斬頭或斬腰而死者不記其數翌  
年而倭寇至此其兆歟

白雉蓋常有之 先王朝辛卯年固城山中產白雉  
丁未年江原道獻白雉今甲寅年黃海道獻白雉  
又丁未年狼川有白鳥與群鳥相逐今庚戌年白  
鳥集于泮宮群鳥並逐踰月不去又癸丑年白鵲

鳥類言卷一

三十一

出于城中白鴈来于陽川江北此皆出狀啓或人  
盱目擊者

余為洪州時白棗生衙舍席門外長可四五寸莖條  
潔白枝葉玲瓏如刻玉甚可珍玩即戊申五月  
宣宗大王國恤時也

芝峯類說卷一

芝峯類說卷二

地理部

地

俞琰曰皇天后土皇天也后與厚通今后土夫人祠  
 塑婦人像非也左傳云共工氏有子曰勾龍為后  
 土古者謂天子為元后又有后夔后稷之稱則以  
 后土為婦人者謬矣然漢禮樂志地祇謂之富媪  
 其以媪稱何也釋者以為稱坤為母之義未知是  
 否

博物志去地以名山為輔佐石為骨川為脉草木為

毛土為肉三尺以上為糞以下為地如所謂糞土之墻糞字蓋義也

淮南子曰地形東西為緯南北為經山為積德川為積形高者為生下者為死丘陵為牡谿谷為牝後人以谷為牝此也

邵康節曰極南大暑極北大寒故南融北結萬物之死地也余謂生曰於死死因於生氣屈則伸陽剥則復雖當寒沍之時生意未嘗息滅則其所謂死地即所謂生地也

山

述異記曰盤古氏天地萬物之祖其死也頭為五岳  
目為日月脂膏為江海毛髮為草木一云頭為東  
岳腹為中岳左臂為南岳右臂為北岳足為西岳  
余謂此特就中國而言若曰頭為崑崙足為白頭  
山可也

拾遺記曰扶桑五萬里有磅磳山上有桃樹百圍萬  
歲一實齏水在磅磳山東生碧藕長千常故有萬  
歲米桃千常碧藕之說余意磅磳與方丈音相近  
俗謂智異山為方丈山又世傳昔有人於高城海  
邊見水中卧石題曰方丈山碑以此或疑金剛亦



號方丈山云所謂鬱水恐指鬱陵島而言按八尺  
為尋倍尋為常一云七尺為常

拾遺記曰蓬萊山高二萬里水淺有細石如金玉不  
加陶冶自然光淨東有鬱夷國云所謂細石似今  
碁子之類而鬱夷與鬱陵島音相近鬱陵亦古國  
名王維送日本晁監序曰扶桑若薺鬱島如萍此  
也又曰圓嶠山上有方湖周迴千里今漢挈山上  
有深池世謂漢挈為圓嶠者蓋有據矣

按韻書曰禹迹之內有三崆峒黃帝問道處在汝州  
杜詩崆峒小麥熟在臨洮又其一在安定云而薺

州之崆峒山不與焉按陳子昂詩曰北登荆丘望  
 求古軒轅臺尚想廣成子遺迹白雲隈子昂豈無  
 所考而云我黃帝都涿鹿涿鹿今幽州幽州去荆  
 門近則子昂之說似是

張翰翔曰赤壁雖有名景則不如名第因眉山二賦  
 遂勝千古耳余聞魯訥言在中朝親見滕王閣頗  
 不如所聞云是豈獨赤壁乎哉按三才圖會曰赤  
 壁磯在黃州蘇軾遊此以為曹操敗走處非也赤  
 壁乃在武昌樊口云余謂以蘇之博雅而猶不知  
 此何耶

三才圖會卷二

三

朱子與客談風水因曰冀州好一風水岱嶽青龍也  
華山白虎也嵩高山案也淮南諸山案外山也與術  
者之見異矣

宛委餘編曰東嶽廣桑山在東海中南嶽長離山在  
南海中西嶽麗農山在西海中北嶽廣野山在北  
海中中嶽崑崙山在九海中為天地心此五大嶽  
也方壺山鍾山在北海扶桑山蓬萊山沃焦山在  
東海連石山在東南方丈山負嶠山岱輿山俱在  
大海中酆都山在九壘之下玄洲在北海中瀛洲  
穆洲祖洲在東海中鳳麟洲聚窟洲生洲在西海中炎

洲在南海中元洲長洲俱在大海中滄海島在大海中高五萬里皆神仙所居又拾遺記曰岱輿圓嶠方壺瀛洲蓬萊五山在海東云按廣桑山雜書所謂孔子為太極上真公主廣桑山是也鍾山有龍嶠日照天門是也十洲西王母所謂巨海十洲人跡罕到者也以此觀之申功言天下名山八三在蠻夷五在中國其所見豈不偏且小哉

王世貞曰今天下二華不如峨眉衡嶽不如武當嵩以一培塿耳而崑崙天柱以要荒棄之雖然是寧獨山而已哉余謂我東人名能文詞者無讓於中

華而華人以要荒視之一無傳道之者噫豈唯山  
哉豈唯山哉

三才畧會記本國山川曰大興洞朴淵皆在天磨聖  
居兩山之間昔有朴進士者吹笛淵上龍女感之  
引以為夫故名朴淵五冠山在長湍府西有五峯  
團圓如冠俗離山在報恩縣有文藏臺法住寺冰  
山在義城縣動石在九井峯下青鶴洞在智異山中  
諺傳崔致遠所遊處三日浦在高城郡寒溪山在  
麟蹄縣形勝甲於嶺西萬瀑洞在金剛山中洞有  
普德窟鑿絕壁立銅柱於外以構小屋三楹於其

上拘以鐵鎖釘于巖石浮在空中祥雲亭傍海有  
 長松連十里仰不見白日叢石亭在通川郡杜嶺  
 南樓在密陽府館東勝覽為嶺南第一云我東山  
 川樓觀之勝不止於此而高會所載特出於傳聞  
 故踈略如此

世謂三山乃在我國以金剛為蓬萊智異為方丈漢  
 拏為瀛洲以杜詩方丈三韓外證之余謂三神山  
 之說出於徐福而徐福入日本死而為神則三山  
 應在東海之東矣老杜不曰方丈在三韓而曰方  
 丈三韓外其言宜可信也

我國諸山皆發原於白頭山自磨天鐵嶺而南為金  
剛五臺太白至智異而盡焉南師古常言白頭山  
脉不應到此而止當是隱伏海中為日本諸島云  
其說有理今濟州漢拏山亦其一也

遼志曰長白山在冷山東南千餘里其山禽獸皆白  
人不敢入恐穢其間以致蛇虺之害黑水發源於  
此即混同江剖大木為舟形如梭曰梭船即今十  
尚船也又吾學編曰長白山橫亘千里高二百里  
巔上有潭周八十里南流為鴨綠江為混同按長  
白山蓋白頭山以四時米雪常白故名

通典云匈奴歌曰失我焉支山使我婦人無顏色說  
郭曰焉支闕支也又云今之燕脂此山出紅藍可  
為燕脂闕支以為飾故失之則婦人無顏色也

智異山亦彌頭流白頭山之脉流至此故云或言其  
脉至海而窮停留于此作頭留是又名方丈通鑑  
輯覽云方丈在帶方郡之南其曰帶方亦因方丈  
而名之

楓嶽俗彌皆骨僧謂之金剛亦名沮槃或曰怛怛亦  
曰衆香城按華嚴經云東北海中有金剛山一萬  
二千曇無竭菩薩常住其中金安國詩云永郎風



月三千首無竭雲烟一萬峯是也

中國人有曰願生高麗國親見金剛山金剛山之名  
於天下久矣然我國之人相去數百里間而不果  
遊者多矣申企齋亦云少時多病今傷老辜負名  
山此百年頃歲東征天將等問金剛遠近或欲往  
見而辭以僻遠故不克行

漢拏山一名圓山在濟州以峯上皆平故名世傳登  
其山頂則可瞰老人星其大如燈山頂積雪盛夏  
不消有大池旱不竭輿地勝覽曰即圓嶠山也然  
則以漢拏為瀛洲山者非也漢拏西北別有一山

名瀛洲山故謂濟州為東瀛洲又瑞山高麗時自海中湧出周四十里山無草木今在大靜縣云

伽倻海印寺之洞曰紅流洞洞口有武陵橋又有崔致遠題詩石詩曰狂噴壘石吼重巒人語難分咫尺間常恐是非聲到耳故教流水盡籠山又智異山神興寺洞亦謂紅流洞

智異山青鶴洞舊有青鶴栖止故名前朝李仁老至神興寺尋青鶴洞不得有詩曰策杖欲尋青鶴洞隔林空聽白猿啼洞之得名蓋久矣居僧為余言平時有俠少投石傷鶴翅鶴由此不復來未幾有

壬辰之亂蓋見幾而作也

松嶽初名扶蘇或稱鵠嶺或稱神嵩以栽松故名松嶽所謂鵠嶺青松此也尹紹宗詩蒼蒼萬古扶蘇山許琛詩扶蘇王氣欲沉淪皆指松嶽耳又扶蘇山在扶餘李穀扶餘懷古詩扶蘇山下徒立國是也

輿地勝覽曰方巖在漢挈山絕頂人跡不到處其形方正如人鑿成其下莎草成蹊恍聞絃管之聲莫知所從來世傳神仙恒遊之所又曰旌義金寧咸德多神仙云金寧咸德亦濟州屬縣名

縣山有穴名曰水穴  
不冬則穴益水立夏之後  
凝日氣燥熱則水益盛  
亦凝以血內納于穴則頂  
不立秋後則冰消清氣  
以此視之則夏虫豈非  
如未為的論也  
並我成別号

清風郡治有屏風山山有穴方二尺許風氣甚烈雖  
盛暑之日猶覺寒凜名風穴穴中空曠其深不知  
幾里可攀緣以入以火燭之石罅多有石髓可食  
取出穴外則堅凝為石按荊州記云宜都狼山有  
穴口大數尺為風井宋玉風賦曰風起於青蘋之  
末盛怒於土囊之口註土囊大穴也蓋此類也  
義城縣有水山中有石穴穴口三尺為風穴又有穴在  
巖下廣一尺立夏後水始凝極熱則冰堅靈雨則  
冰釋春秋不寒不熱冬則溫氣如春謂之冰穴義  
興縣華山亦有風穴甚寒每夏水結異哉

雲峯八良峴有血岩乃我 太祖勦戮拔都之地石  
上斑血至今若新漬壬辰歲岩血流而倭寇至怪  
矣

水

河源志曰河源在吐蕃西鄙有泉百餘泓方可七八  
十里沮洳泥淖弱不勝人跡望之燦若列星故名  
星宿海也按河源自星宿海行半月至崑崙則古  
稱河出崑崙者妄也在胡元時西域諸國無遠不  
通故遣使窮河源所出而為此志則其言宜可信  
也

朱子以黃河及長江鴨綠江為天下三大水云蓋鴨  
綠江自白頭山走數千里分派為三江西南入于  
海其源甚遠故謂之大水

我國所謂涇水有三其一漢書謂漢興修遼東古塞  
至涇水為界又衛滿亡命渡涇水即今之鴨綠江  
也其一唐史謂平壤城南涇水即今之大同江也  
其一東國史謂百濟疆域北至涇河即今之猪灘  
也按戰國策云朝射東宮夕葢涇丘蓋指我國  
涇水而言

千字文金生麗水或者言麗水之麗字即高麗也蓋

以三义河一名遼水舊屬高麗故云今按韓子曰  
荆南麗水生金又考杜氏通典南方有麗水縣乃  
知其文本出於此

河者北方流水之通名故自遼抵燕都一路有八渡  
河甕北河三义河大小凌河沙河滦河灤河潞河  
王河皆以河稱焉我國之猪灘舊稱沮河盖亦以  
此

我國溫泉京畿全羅道外無處無之平山延安溫陽  
伊川高城東萊最著名俗傳 世宗大王有眼疾  
命中使汲取諸道溫水稱量則唯伊川為山溫水

最重乃親幸沐浴良驗故以葛山溫水為第一云  
 椒井多有之廣州清安寺處最有名每七八月有椒  
 氣甚烈病人沐浴頗有竒效按本草溫泉下有硫  
 黃故水執醫鑑曰冷泉下有白礬故水味酸澁冷  
 冽所謂冷泉即今椒水也

海州有鳴川以餞別之地故名昔有人於此別妓妓  
 不泣乃作詩曰水有鳴川水人無泣別人無將橋  
 下水沾却羨人中

大津在京畿忠清之間水路三十里中有大石舟觸  
 則碎俗號賽神令公行人必以香火祈祝賽神之



稱蓋以此而謂之令公則未知其義或疑令公即

靈君云

半山詩云十月寒江正復艚按正月水曰解凍水二  
月曰白蘋水三月曰桃花水四月曰瓜蔓水五月  
曰麥黃水六月曰山樊水七月曰豆花水八月曰  
荻苗水九月曰霜降水十月曰復艚水十一月曰  
走凌水十二月曰颶凌水庾信詩春水望桃花張  
志和詩桃花流水鱖魚肥亦此也

海

異聞錄曰地之勢西北高而東南下所謂東北南三

海其實一也無所謂西海者經傳所載四海蓋引類而言甘英往條支臨大海蓋即南海之西也漢西域傳所云蒲類海疑亦停居一澤或言即星宿海非西海也余謂世所稱四海只據中國而言非天地間之四海也若考三才圖會則可知

夷堅志曰寧海縣東海中有尾閭其水湍急陷為大渦者十餘舟楫不可近蓋東海泄水處按寧海即浙江台州屬縣也莊子尾閭洩之註尾閭一名沃焦一石方圓四萬里海水注之無不焦此兩說似不同

古人詩文中所謂碧海槩指東海而言按十洲記東  
有碧水不鹹苦正作碧色山海經云扶桑在碧海  
中又東海亦謂滄海列仙傳云巨鰲背負蓬萊之  
山抃舞戲滄海之中是也今人混稱則非也

輿地勝覽稱京都為左控關嶺右環渤海董越朝鮮  
賦稱海西曰北接慈悲南臨渤海倪謙太平館賦  
曰漢江蕩瀾渤海攸歸按博物志東海共稱渤海  
南海之別有漲海西海之中有青海北海之別有  
瀚海蓋我國之西海即中國之東海故通稱渤海  
中國之東海即我國之西海其有潮汐固矣我國之

潮汐先後有孩望  
已疑盛虛之論其  
籍而我吐之東海在  
中朝所不知故先攷  
之者聞慶縣光棧  
有欠者潮汐皆海不  
且海眼耶此何理也

東海本無潮汐是理外難知之事而歷世無論辨  
之者中國之人未嘗見我國東海故也楊生萬世  
乃東海居人為余言北海自北而流下至東海晝  
夜不止故雖風靜之日波聲遠聞長流之水無潮  
汐其勢然矣不足恠也云

嘗見暹羅國地圖則東南海中有萬里長沙萬里石  
塘連亘回抱崔溥漂海錄所謂在濟州望見白海  
者疑即此也

島

田橫義士死海島中後人哀之號曰嗚呼島俗傳洪

州海中有務叱盆島乃是嗚呼島云蓋以方言務  
叱盆近於嗚呼之義故附會而為之說也昔國初  
朝京使臣過半洋山舟敗云半洋山在嗚呼島蓋  
距我境為遠耳

蔚陵島一名武陵一名羽陵在東海中與蔚珍縣相  
對島中有大山地方百里風便二日可到新羅智  
證王時號于山國降新羅納土貢高麗太祖時島  
人獻方物我太宗朝遣按撫使刷出流民空其  
地地沃饒竹大如杠鼠大如猫桃核大於升云壬  
辰變後人有往見者亦被倭焚掠無復人烟近聞

倭奴占據礮竹島或謂礮竹即蔚陵島也

三峯島亦在東海中 成廟朝人有告之者遣朴元宗往探因風濤不得泊還過鬱陵島云山海經所謂蓬萊山有溟海無風而洪波百丈惟飛仙能到者蓋以東北海風濤甚險故云

海浪島於我國為近中朝及我國人逃入本島漸至滋蔓燕山朝遣田霖搜括島內遼東人六十四名本國人四十八名自頃年來海賊出沒寇抄兩西至湖南無月不被其害朝廷於白翎島安興梁設鎮以備之其禍稍息然後日之患有可慮者

羅州有黑山島按宋史自明州定海縣遇便風三日  
入洋又五日抵黑山云以此知我國南邊與中國  
之江浙只隔一海而近矣

萬曆丁亥倭犯全羅道鹿島萬戶李大元以孤軍逆  
戰于損竹島援絕敗死國人哀之損竹島俗謂損  
大島以方音呼竹為大也與落鳳坡同一識矣

井

東部泉達坊有井泉甚美居人自古多老壽坊之得  
名蓋以此云

城中水味以於義洞宜城尉宅中井水為第一成

廟封其井汲取以進謂之御井後賜宜城故刻賜井二字於井甃石上至今猶存頃年唐官萬經理邢軍門皆以此井為第一令人日汲以飲云

平壤城中舊無井泉辛卯年權徵為監司掘井過數丈不得水乃有大磐石鑿石而泉出其中有鮒魚及蓮子其理不可知也術者言地理平壤城為橫舟形鑿井則有禍翌年倭寇至井水味苦人亦不食

頃年李慶深為統制使時欲設營於固城地使人掘井深至十丈許而無水下有磐石用斧穿破則中



有瓦五六張其下又有磐石不得鑿破或疑開闢  
前物也又近歲黃州築城時伐取山石石中得一  
小佛此充理之不可知者按朱子曰嘗見高山有  
螺蚌殼或生石中此石即舊日之土螺蚌即水中  
之物下者却變而為高柔者却變而為剛也是則  
然矣

高麗之彌取義於山高水麗則宜作去聲而韻書作  
平音未知何義也中朝一路有高麗村高麗鋪又  
遼東館中有高麗井相傳高麗人馬入去則雖旱  
井水必溢出而不竭故名且日本武莊州有高麗

百井田遺址筆使之筆  
注視播於題詠錄以  
為真井田遺跡至於  
久以余考之有不可信者  
如善商君廢井田殊不  
四之廢在商君世已久  
四據文公問井田於孟子  
不能詳其制只以兩我公  
明周亦助若吾是待  
助法孟子所不能知也  
與孟子同時井田限至  
始廢則孟子豈吝不

郡攝津州有百濟郡云

田

蘇秦傳負郭田二頃按六尺為步二百四十步為畝

百畝為頃或曰百步為畝又田中溝曰畝田間道

曰畛曰陌菜田曰畹曰畦田畔曰町

箕子井田在平壤南門外田中有井名曰箕子井韓

久庵百謙欲究其制乃考殷周步數異同尺寸長

短逐畝折筭辨其區畫則每區七十畝各為小界

限而縱橫皆八通計六十四區為一大界限方方

正正延袤數里含毬正陽兩門之間最為分明乃

此也是時七哇未說秦  
也道行天下而勝之不  
亦由此視之井田之廢  
苟不久則諸侯雖去  
而經界之故在者  
埋滅勝文不待問多乎  
其制也周公之井田至  
已不可尋其子雜宗  
為治其遺址安得至  
不察耶井田之法一天百  
曰百畝之田勿奪其時八  
可以至觀平塚遺址  
收雖大有之季不足以  
已季之會聖人之法不  
民飢餓至此也是必  
好更之所為決非策  
也制也

作井田說以明殷周田制之不同其薦於好古如  
此噫自秦開阡陌而井田之制無復可尋孰謂殷  
制之在我東者其遺蹟歷數千載而不泯耶然非  
久庵則孰知其詳若此乎尤是尚已

雲谷雜記曰沅湘間多山農家植粟多在岡阜伐其  
林木縱火焚之俟其成灰即布種如是則必倍收  
所謂刀耕火種也今我國山郡亦如此謂之火田  
南蠻多水田謂五畝為一隻按王弼州云買兩拳角  
犢墾十隻此也

倭國謂田為畠謂水田為田火田為畑猶我國以水

田為畚也故官各有島山殿地名有烟島云

諸國部

本國

東方地不過數千里而三國以前有五十國之多何  
耶夫以中國之大也而上古得百里之國萬區至  
周尚有千八百國東方三國以前猶上古也其有  
五十國無怪矣

史記武帝定朝鮮為真番臨屯樂浪玄菟四郡昭帝  
并為樂浪玄菟二郡蓋漢之所定者乃衛滿所據  
之地非我國全壤也按東史樂浪今平壤臨屯今

江陵玄菟古東沃沮今咸鏡地真番治雲縣云今  
不詳其處然考諸杜氏通典則真番當在遼界耳  
一統志曰朝鮮漢末為公孫度所據至孫淵魏滅之  
晉末陷入高麗云按公孫度所據即遼東非朝鮮  
全地也晉永嘉末遼東為高句麗所取志不曰遼  
東而曰朝鮮乃記者不詳也

九都城今不詳其處或言寧遠劔山是也蓋俗謂劔  
為九都故也按綱目注高句麗都於九都之下多  
大山深谷又唐志自鴨綠江口舟行百餘里又小  
舫泝流東北行五百里至九都城云

按東史百濟之地東至智異山西南限大海北抵漢  
江又溫祚王時以湏江為界即今平山府猪灘云  
蓋初界猪灘而後界漢水也析順詩曰百濟地形  
臨水盡者是也

東國史所稱扶餘國今不知所在而考史書則東沃  
沮北接扶餘南接濊貊又扶餘王讓高句麗曰我  
先王與先君東明相好而乃誘我臣僚逃至于南  
以立國云又高句麗築長城北自扶餘南至海千  
有餘里則扶餘國在高句麗之北界明矣按遼史  
扶餘城後為渤海所都今黃龍府是也又百濟移

卷之二

十一

都泗洲國號南扶餘泗洲今扶餘縣也與此不同  
箕子朝鮮之後始有三韓之稱而其說不同按後漢  
書云卞韓在南辰韓在東馬韓在西世謂馬韓即  
今全羅道卞韓即今忠清道辰韓一名秦韓即今  
慶尚道或言馬韓最大為全羅道忠清道卞韓辰  
韓皆在慶尚道或言京畿忠清黃海等道為馬韓  
全羅道為卞韓慶尚道為辰韓未知孰是然以史  
記觀之則後說似近矣此外又有濊國今江陵朔  
國今春川以此推之箕子所封衛滿所據皆平壤  
近地三韓則不能悉有之也

魏略曰箕子後四十餘世朝鮮侯準僭號稱王云云  
輿地勝覽所謂朝鮮武康王即箕準也蓋朝鮮至  
箕準始稱王避衛滿至馬韓開國後為百濟始祖  
溫祚并之是西漢末也

東史衛滿據王儉城註王儉城今平壤古仙人王儉  
宅也輿地勝覽云古記檀君名王儉馬史作王險  
未知孰是

新羅享國幾一千年至其中葉統合三韓時和歲豐  
人謂聖代諺稱新羅聖代者此也

山海經曰海東有君子國衣冠帶劍好讓不爭有董



花草朝生夕死又古今記曰君子之國地方千里  
多木槿花按唐玄宗謂新羅號為君子之國且高  
麗時表詞稱本國為槿花鄉蓋以此也

東方朔神異記曰東方有人焉男皆縞帶玄冠女皆  
采衣恒恭坐而不相犯相譽而不相毀見人有患  
投死救之倉卒見之如瘳名曰善人余謂東方蓋  
指我國而善人之風今不得而見矣安得與斯人  
為友也哉

隋書裴矩言高麗之地本孤竹國周以之封箕子云  
此言未知所本而輿地勝覽李唐云孤竹國今海

州也中朝永平府有孤竹古城而蒼乃以海州為  
孤竹亦未知何據按首陽山中有孤竹郡舊基無  
乃以此而附會其說耶

唐書新羅傳曰依居山谷以草茨屋董越朝鮮賦曰  
凡為城郭皆枕高山蓋中原則民居邑郭皆在平  
地故云爾

箕子制八條之教按漢書相殺者以死償相傷者以  
穀償相盜者沒為其家奴婢云此八條中之三也  
餘不可考或疑并五倫為八條云

漢書曰馬韓人作土室形如冢開戶向上云我東土

室之制亦久矣

我國濟州之歌北道之哭嶺南之鄉音於中國相近云

外國

安南國在中國西南距北京一萬三千里秦為象郡漢置交趾郡至五代末黎桓始僭王號 皇明永樂時平定其地東西一千七百里南北二千八百里後復叛嘉靖初以莫登庸篡弒不許封王稱安南都統使然猶自帝其國按事文玉屑云交趾國一名安南乃犍犬之遺種其性姦猾剪髮跣足盲

目昂喙極醜惡廣人稱為夷鬼貌類人者乃馬援  
 兵之遺種也又老撾國在安南西南古越裳之國  
 或曰即哀牢國也吾學編曰其俗夷獠雜居不知  
 禮義獷悍喜鬪唯驩演人淳秀好學其山川佛跡  
 勾漏富良江最為大有越王城天使館浪泊杜產  
 金珠諸香犀象兕猩猩狒狒白雉翡翠波羅蜜余  
 赴京再遇其國使臣涅齒被髮頗解文字言語用  
 合口聲所謂宵目昂喙似矣但皆被髮與古剪髮  
 異矣

琉球國在東南海中自福建梅花所開洋七日可至

王居朴素無金碧之飾賦法略如井田王臣民各  
分土為祿食上下無征斂用刑甚嚴以螺殼炊爨  
人皆驍健不知醫藥而無疾病兵甲堅利射至二  
百步好爭狠鬪輒刃殺人度不能脫即剖腹自斃  
其山川有鼃鼃嶼彭胡島國西古米山甚險舟至  
輒敗山無猛獸以故多野馬旁有毗舍那者島中  
小夷鳥語鬼形殆非人類按韓昌黎送鄭尚書序  
所謂流求是也聞其國在我國濟州之南晴日則  
自濟州依俚望見云蓋海路不甚遠耳

三佛齊在東南海中有地十五州東距瓜哇西距滿

錯簡  
在下

中闢為門形勢甚異其人剪髮面多髭黑左社跣足飲食以手不識天朝文字蓋非冠帶之國也

日本舊名倭奴漢武時始通中國至唐改號日本東西五千餘里南北數百里唯東山東海寺道南北千餘里以其南北狹東西長故謂之一字國漢書曰倭王居邪馬臺續文獻通考曰倭奴有百餘國一曰邪馬姜沅聞見錄云倭王舊都曰野馬臺有四百八十寺極其華麗蓋與南朝四百八十寺相埒耳

日本一州為一國而陸奧州最大管五十四郡東西

六三三 卷之三十一

二二二

六十日程其海中有金山北接蝦蜃其人長大而  
身有毛地產文魚貂皮等物亦有山戎自成聚落  
其地廣漠無際或言自奧州之平和泉至夷海纔  
三十里與我國野人接界頃歲唐官入鍾城開諭  
忽虜時倭人在彼地聞知其事云夷海亦曰夷島  
所謂蝦蜃疑即毛人也申叔舟海東諸國記曰其  
地始於黑龍江之北者是矣

按日本國圖八道六十六州壹歧對馬二島不與焉  
此外又有永良部平戶島五島三島八丈島等  
地  
方其鄉有九萬二千其村九十萬九千八百餘田

刺加土沃宜稼穡人習水戰服藥刀不能傷遇敵  
敢死鄰國畏之水多土少將領得居陸民率架筏  
水中架梁柱字用梵書有火鷄大於鶴毛如青羊  
食炭又祖法兒國在海中產駝鷄長三四尺行亦  
如之按宛委餘編云西域大鳥曰駝蓋此也

占城古林邑本漢象林縣馬援置銅柱之處至漢末  
區連殺縣令稱王唐元和初改號占城國在大海  
南南距真臘西距交趾四時常熱如夏天無霜雪  
草木長青俗橫悍果于戰鬪貴女賤男以黑色為  
美所居茅茨不得踰三尺出入乘馬象有尸頭蠻



者婦人也夜飛頭入人家食小兒穢氣頭返合體  
如故失其體不得合即死犀大者八百斤獨角在  
鼻端長可尺五寸馬小於驢按唐太宗時林邑獻  
五色鸚鵡蓋其所產也

暹羅國方千餘里在海中群山峭拔環繞地下濕氣  
候嵐熱不齊本暹與羅斛二國地暹乃赤眉遺種  
元至正間始合為一國尚釋教婦人多智夫聽於  
妻喪禮貴者灌水銀葬民間烏糞習水戰喜寇掠  
產寶石奇香獅白象白鼠六足龜蘇木賤如薪色  
絕勝余嘗赴京見其國地圖有龍牙山橫截海中

八十九萬九千一百六十町畠十一萬二千一百  
 四十八町佛宇二千九百五十八神宮二萬七千  
 六百十三男口十九億九萬四千八百零女二十  
 九億四千八百零凡城池所在謂之鄉五十五間  
 為一町三十六町為一里其一里准我國十里云  
 日本天皇始立於周平王之世一姓相傳至今不絕  
 天皇不預政事惟享富貴而已國王號關白專管  
 國政以尊事天皇豈亦周時列國之遺風歟世謂  
 無所事事者為倭皇帝或曰倭皇姬姓吳恭伯仲  
 雍之後或曰以王為姓未知信否

自釜山東抵日本國都海路幾四千里自國都東北  
至駿河州又一千里所有山曰富士山高四百餘  
里屹立海中山半以上永雪嵯峨盛夏不消千里  
內望而見之其東則地名三島三島之東北有峻  
嶺曰箱根其上有巨湖竒花異草森列岸上云余  
謂富士山譯以漢音則乃不死山豈山上多生不  
死藥故耶宋景濂詩曰六月雪花飄素窠蟠根壓  
地三州間是也三州倭地名  
後漢書曰徐福入海止夷澶洲韓文所謂海外夷亶  
之州是也按夷亶二州名今倭國南海道有紀伊

州淡州淡與亶音相近疑即夷澶洲也姜沆聞見  
錄云倭人謂伊勢之熱田山紀伊之熊野山駿河  
之富士山為三神山又徐福死而為神故紀伊州  
今有徐福祠熊野山守神者徐福之神也愛宕山  
守神者新羅人日羅之神也日羅者疑即三國史  
所稱翅烏細烏者也趙完璧言日本京都見有徐  
福祠徐福之裔主之云

日本地暖無冰雪而其北陸道甚寒每冬雪深數丈  
且海島皆石山戴土故倭人專以土淺深為饒瘠  
若土淺一尺則五穀不熟其深七尺以上至一丈

為最厚我國濟州亦如此土無三尺之厚故每苦  
旱災常買穀於陸邑以資其生葬死者棺半在地  
上云

日本諸倭將皆有食邑如家康所食二百五十萬石  
輝元一百五十萬石其餘多或四五十萬石少或  
十萬石者不可悉數其食一千石者養兵五十人  
一萬石者養兵五百人甲兵多少視穀數其國之  
富強可想已

對馬島地皆沙石居倭專靠我國開市以為生理平  
時嶺南田稅太半歸之世傳宗盛長其先本我國

言者曰平人奴也宋初  
伯力途至者皆兵之開  
其以爲將輒有功進系  
其主自立爲開伯戰克  
其後合諸吐爲一吐富

宋姓人八其島爲島主變姓爲宗至平秀吉滅之  
而以平義智代之遂嚮導八寇可勝痛哉大槩對  
馬倭於我國事無不周知且解我國言語變詐百  
出雖依平時通貢互市以羈縻之異日之爲患必  
矣或言義智雖改平姓而其實宗氏未嘗滅絕云  
日本近江州有黑土作塊如麩生田野中掘則還平  
蓋息壤也倭人用以炊爨名曰土薪猶中國之有  
石炭也又日本產黑雉而無虎豹鷹鵠海產魚物  
亦不多云

百濟亡有臨政太子乘船八日本爲大内左京大夫

都周防州號大內殿自以系出百濟景親我邦今  
倭將輝元之先乃其從者也臨政之裔歷四十七  
世而絕輝元之祖代襲其土都於安藝州其俗視  
他倭寬緩有我國人氣象云

海東有毛人國其國人遍體生毛幾數寸服屬於倭  
揚生萬世八日本時見之云按山海經云毛國居  
大海中韓文曰海外毛人夷亶之州是也又揚生  
言女國近於日本亦有夜叉國遇人輒啖日本人  
畏之按事文玉屑等書曰女國在東南海中裸形  
感風而生又曰俯視井底水照見其形以為交感

夜叉國在流鬼國北流鬼國在黑水靺鞨之東北  
東南際海云

按真臘國本扶南地方七千餘里在占城西南海中  
踰暹羅半月程國甚雄富俗尚華侈故古有富貴  
真臘國之稱其地四時常如五六月自四月至九  
月每日下雨自十月至三月絕無點雨禽有孔翠  
鸚哥獸有犀象野牛山馬無鴻鵠鸞燕鼠大如猫  
正月間荷花開有茄樹與木綿樹高可過屋出風

土記

小說真臘國人不飲酒比之淫惟與妻飲房中又西



卷之二

二十六

番忽魯謨國飲酒者棄市棄市酷矣而不飲尤可尚也

瓜哇古名閩婆其國富饒地廣人稠為東洋諸番之雄男蓬頭女椎髻男必腰刀刀極精利刑無鞭朴罪不問輕重刃殺之尚氣好鬪顏色黝黑捺頭赤脚飲食無匙筋啖蛇蟻虫蛆與犬同寢食不為穢也有水葬火葬大葬惟死者所欲按唐史南蠻驃國亦號閩利婆國最富王居以金為麗屋覆銀瓦蓋是也

古俚大國西洋諸番之會去中國十萬里王好浮屠

敬象牛老不傳子傳外孫否則傳弟無外孫弟傳  
善行人俗尚信義行者讓路道不拾遺以葫蘆為  
樂器蓋海中絕國而有上古三代之風可尚也

滿刺加舊名五嶼在南海中氣候朝熱暮寒玉白帛  
纏頭俗淳朴尚回回教旁海人畏龜龍龜龍高四  
尺四足身負鱗甲遇人即噬噬即死山有黑虎視  
虎差小或變人形白晝群入市覺者擒殺按皇明  
給事中陳嘉猷嘗奉使其國有詩集

榜葛刺東印度也國最大財物豐行甲於隣國王及  
諸官皆回回人祝髮白布纏頭氣候常熱如夏陰

陽醫上百工技藝大類中國曆有十二月無閏風  
俗朴厚好耕殖一年二熟婦女不施脂粉自然嬌  
白飲食男女不同處夫死不再嫁妻死不再娶若  
孤寡無依一村輪養之有兜羅錦濶四五尺厚可  
五分背面皆毳絨

錫蘭山在大海中王尚釋重象牛飲牛乳不食其肉  
殺牛者罪死國富饒地廣人稠亞於爪哇民上裸  
下纏帨有珠池諸蕃賈爭來市有赤印島人皆穴  
居男女皆裸若野獸不粒食食魚蝦芭蕉子波羅  
蜜按波羅蜜產南海中形如東瓜云

溜山在西海中四面皆海無城郭依山聚居皆以溜  
 名無慮三千舟行遇風失入溜即溺土人曰此弱  
 水三千也人巢居穴處啖魚蝦無衣草木葉蔽前  
 後按韻府曰弱水在西海中不能負羽蓋是也又  
 晉書扶餘國在玄菟北北有弱水肅慎氏東濱大  
 海北極弱水續仙傳曰蓬萊閭弱水三萬里非飛  
 仙莫至然則東北亦有弱水矣

撒馬兒罕漢罽賓也去嘉峪關萬里東西相距千里  
 風景偉麗土田膏腴頗類中原西南畝賈多聚於  
 此俗尚回回教有拜天屋青石雕鏤極精巧人物

秀美多藝能舊有照世杯光明洞徹照之可知世  
事按吾學編載其國王表文略與中國文字相同  
天方舊名天堂俗用回回曆風景融和四時皆如春  
田沃稻饒居民樂業風俗好善亦無刑罰自然淳  
化不作盜賊佛書所謂天堂疑指此也

渴石在撒馬兒罕西南城周十餘里四面水田故元  
駙馬居也山多奇樹有石峽兩壁懸崖宛如斧劈  
行二三里出峽口有門謂之鐵門關岑參使交河  
郡詩曰鐵關控天崖萬里何遼哉即此也

土魯番在火州西百里古文河縣亦曰車師國氣候

多煖少雨雪土宜麻麥人皆屋居信佛法有靈山  
周二十餘里悉五色砂石光焰灼人四面峻壑天  
巧奇絕草木不生禽獸鮮少蓋佛書所稱靈山是  
也

黑婁近土魯番山川草木禽獸皆黑男女亦然有藍  
澤產石鹽堅白如石可琢為器以盛酒食不益而  
鹹哈烈等地亦產云

哈烈去嘉峪關萬三千里四面大山而少雨男髡者  
衣尚白乃喪易青黑人多善走日行三百里氣候  
常煖男女瀆亂無恥然有學會講習經義省刑簿

欽憲爭好施務農桑蓋其俗亦淳朴矣

于闐大國在葱嶺北東西五千里南北千里人機巧  
喜浮屠法相見輒跪得問遺書戴于首乃鼓之稍  
知尊卑禮節狀貌亦似華人有白玉河綠玉河黑  
玉河產玉珊瑚膍肭臍

火州漢車師前後正地去長安九千里元帝置戍已  
校尉屯田於前王庭以地勢高敞名高昌唐太宗  
平高昌置西州後陷於吐蕃元號畏兀兒今號火  
州俗類匈奴事天神信佛法按宋史曰高昌人多  
壽率百餘歲無夭死其山川靈山蒲類海交河為

大其地山色如火天氣多熱史記相如傳註崑崙  
之北有炎火之山投物輒然岑參詩云暮投交河  
城火山赤崔嵬是也

魯陳一名柳城在西域中經大川沙磧無水草馬牛  
過此輒死大風倏起人馬相失道傍多骸骨有鬼  
魅行人失侶白日迷亡謂之旱海西有流沙河北  
有火焰山山色如火氣候和煖土宜麻麥有小蒲  
萄甘甜無核云所謂流沙河蓋即禹貢流沙也

忽魯謨斯在西南海中土宜耕種人質直狀貌偉  
碩喜作佛事產獅子馳鷄福鹿靈羊馬哈獸按韓



詩貨通獅子國註獅子國在南海中人長丈五尺  
船極高大梯而上之云疑即此也

亦思把罕西南海中大國廣袤千里王居侈麗物產  
豐厚尚佛畏刑喜施惡奪有珠珀而無稻黍日食  
惟稌麥麥粒鹿壯甘美阿速在西南海中亦大國敬  
佛鬼好布施物產饒裕涼暄適節人無飢寒夜無  
寇盜蓋樂土也以上諸國出吾學編等書又宋史  
曰注輦國自古不通中國水行至廣州約四十一  
萬餘里云此外西蕃及海外小國如彭亨呂宋阿  
魯甘巴里等國不能悉錄其不通中華不入載籍

者亦何限乎

五代史西域五廬地無水而常寒多雪每天暖雪消  
乃得水又仲雲界無水掘地得濕沙人置之胸以  
止渴又吾學編西域大沙河可二百里無水即有  
水人不可飲飲牛馬輒死討來思在海中山下有  
水赤色如火燃亦異矣

晉書肅慎氏一名挹婁在不咸山北去扶餘可六十  
日東濱大海西接寇漫汗國北極弱水廣袤數千  
里裨離國在肅慎氏國西北馬行二百里卷雲國  
去裨離馬行又五十日寇莫汗國去卷雲國又百

日一群國去莫汗又百五十日計去肅慎五萬餘里晉武時各遣小部獻其方物按黑水靺鞨即肅慎氏也黑水今黑龍江也

五代史曰契丹東距海有鐵甸其地少草木水醜濁如血北有牛蹄突厥人身牛足又北狗國人身狗首長毛不衣語為犬嗥生男為狗女為人東北至襍劫子其人善射遇人輒殺而生食契丹嘗遣十人齋乾餼北行一年經四十三城居人多以木皮為屋其語言無譯者不知國土名號其地遇平地則溫和山林則寒冽至三十三城得一人能鐵甸

語云自此以往龍蛇猛獸魑魅羣行不可往此北  
荒之極也余謂此北荒外安知又有世界如三才  
畚會所紀者乎

稗史言回回國事天事祖之外無所崇有詩曰僧言  
佛子在西空道說蓬萊在海東惟有孔門真實事  
眼前無日不春風余謂回回在西域而其言如此  
以中華之士而乃尚佛教何也回回文字有篆草  
楷三樣其曆法與中國僅差二刻聞西南諸國奉  
回回教法者多云蓋斥佛法而以事天為重耳又  
其俗善保養常護外腎使不着寒夜卧以手握之

令暖謂此乃生人性命之本根不可不保護此說  
亦有理回回或以為古之大食國非唐之回鶻回  
紇也余赴京時見其國人皆白布纏頭亦詭矣

裸壤國距日本不遠其人身甚長全身黑如炭目多  
白額鼻高突頭髮如羊毛娶倭女居日本揚生萬  
世親見如此云大抵海中之為裸壤者多矣

漢書曰會稽海外有東鯤人分為三十餘國云此則  
似指倭奴而言今以我國為鯤岑恐未是况可自  
稱乎

天下奇寶多出於西域如玻瓈瑪瑙蒲萄西瓜胡桃

獅子之類是也佛法幻術皆從西域而出雖曰左道可見其人多技藝也其山川有流沙弱水崑崙星宿海中國之黃河源於此亦靈異矣哉

佛浪機國在暹羅西南海中乃西洋大國也其火噐號佛浪機今兵家用之又西洋布極輕細如蟬翼焉

南番國人萬曆癸卯年間隨倭船漂抵我境見其人眉與上睫通為一髯似羊鬚其率人面茶黑形狀尤醜怪蓋海鬼類也言語不通因倭譯問則國在海中距中國八萬里倭人以地多珍寶故往來通

商離本土八年方到此云蓋絕國也

永結利國在極西外洋晝則極長夜纔二更旋即天明其俗惟喫麥屑衣皮裘以舟為家四重造船以鐵片周裹內外船上建數十檣竹舩尾設生風之機碇索用鐵鎖數百湊合以成故雖遇風濤不敗戰用大砲出沒行劫海中諸國莫敢相抗頃年自日本漂到興陽之境其舩極高太如層樓大屋我軍搏戰不能攻破致令脫去後問倭使知其為永結利人也按元史吉利吉思去中國二萬五千餘里晝長夜短即唐骨利幹國云結利與吉利骨利

音相近疑卽此也

按唐史骨利幹居翰海北其地晝長夜短日沒後天色正曛煮羊胛適熟日復出唐初號結骨朱子曰此是地之角尖處日入地下無所遮蔽故常光明及東出而為曉其所經遮蔽處亦不多耳

歐羅巴國亦名大西國有利瑪竇者泛海八年越八萬里風濤居東粵十餘年所著天主實義二卷首論天主始制天地主宰安養之道次論人魂不滅大異禽獸次辨輪迴六道之謬天堂地獄善惡之報末論人性本善而敬奉天主之意其俗謂君曰教



化皇不婚嫁故無襲嗣擇賢而立之又其俗重友  
誼不為私蓄著重友論焦竑曰西域利君以為友  
者第二我此言奇甚云事詳見續耳譚

萬曆癸卯余忝副提學時赴京回還使臣李光庭權  
情以歐羅巴國輿地圖一件六幅送于本館蓋得  
於京師者也見其畧甚精巧於西域特詳以至中  
國地方暨我東八道日本六十州地理遠近大小  
纖悉無遺所謂歐羅巴國在西域最絕遠去中國  
八萬里自古不通中朝至大明始再入貢地畧  
乃其國使臣馮寶寶所為而末端作序文記之其

文字雅馴與我國之文不異始信書同文為可貴也按其國人利瑪竇李應誠者亦俱有山海輿地全圖王沂三才圖會等書頗採用其說歐羅巴地界南至地中海北至水海東至大乃河西至大西洋地中海者乃是天地之中故名云

異聞志云天下無處非鬼充塞無間獨亞人國白玉城以白玉為之鬼不敢入蓋鬼陰物喜黑而惡白耳有人至此城得其故歸以白石繞屋為牆時河間多疫癘獨其家無染者今人用白堊塗門亦其遺意也按後漢書西域大秦國以石為城列置郵

其比目聖聖之云互人疑亦西域國名

北虜

史記周武王時肅慎氏貢楛矢石砮按肅慎即我國北邊胡也楛矢俗所謂西水羅木胡人用以為箭者云五帝本紀註息慎即肅慎也唐虞時已見於中國矣

小說曰突厥居金山之陽以鐵工役屬單于突厥者兜牟也以善作兜牟故名之又綱目註金山狀如兜鍪其俗號兜鍪為突厥因為國號云今漢音突厥與我國方音頭具亦相近

昔金完顏氏以本出高麗遇高麗甚厚終不侵暴愛

州今義州本高麗地而陷於遼及金滅遼以愛州界

高麗又尹瓘北征時軍兵數百後而未還因居胡地為一部落今忽溫酋長夏叱貴即其裔云忽溫即元時火溫衛也今建州衛即女真遺種而或言前朝王氏之裔為奴酋云未知信否

元史稱色目人者蓋謂蒙古外諸蕃夷人也按小說云佛語阿修羅即今四夷諸色目是也

建州毛隣海西等衛皆本女真而建州最强永樂時分置三衛封其頭目為都督指揮所以浚其群使

三十一  
三十一

三十一

不相統攝誠以夷攻夷之上策也今奴酋與如許  
互相雄長不敢先動蓋其驗矣

韻府羣玉曰胡中蓋出於木石聞今建州夷無蓋以  
粗木頭汁和味以當蓋所謂出於木石者蓋此類  
也

向化胡人入居內地者自 祖宗朝有之蓋來者勿  
拒之意也頃年以來奴酋張甚擄去藩胡使之後  
屬故藩胡多願內附十百為羣今畿甸兩湖之間  
連村雜處炮火幾於相望恐有日後難處之患謀  
國者其亦念及於此否

咸鏡北道自金宗瑞始設六鎮垂二百年以城底居  
 胡為藩蔽謂之藩胡近年以來建州奴酋張甚掠  
 去藩胡殆無遺者拓地至我境橫行深入莫敢誰  
 何唇亡齒寒之憂有不可言

國都

歷代帝王之都伏羲神農都陳黃帝都涿鹿今幽州  
 堯都平陽今冀州舜都蒲坂禹都平陽商湯都亳  
 後遷囂遷相遷耿盤庚復都亳周文王都豐武王  
 都鎬平王遷洛秦都咸陽漢都長安東漢都洛陽  
 晉都洛陽東晉宋齊梁陳都建康隋都長安煬帝

遷洛陽唐都長安宋都汴南宋都臨安元都燕皇  
明都金陵至 成祖徙都燕我東方檀君箕子衛  
滿高勾麗並都平壤新羅都慶州百濟都扶餘甄  
萱都全州弓裔都鐵原高麗都松京 本朝都漢  
陽萬萬年

按高勾麗始居遼東北後世漸東遷于浪水之側其  
地多入于渤海靺鞨浪水即平壤大同江云然則  
世傳朱蒙所都本川指為成川者妄矣

按東史高勾麗初都卒本後移都國內城又移丸都  
又移平壤百濟始都慰禮城後移都漢山又移北

漢山又移熊津又移泗泚釋者以為國內城在鴨  
 綠以北漢山今廣州北漢山今漢陽熊津今公州  
 云

輿地勝覽載漢都十詠曰莊義尋僧濟川翫月盤松  
 送客揚花踏雪木覓賞花箭郊尋芳麻浦泛舟興  
 德賞蓮鍾街觀燈立石釣魚姜希孟徐居正李承  
 召成任皆有詩詞按截義寺舊在彰義門外興德  
 寺在東部燕喜坊有蓮池云而未知廢於何時立  
 石浦在豆毛浦上流

前朝時用道說畝識種李於漢陽以厭之故曰種李



村今鄉校洞即古漢陽鄉校之所於義洞舊稱漢陽東村或謂楊柳村閭閻最盛云墨寺洞古墨寺所在宋松亭乃宋姓人所居有松亭故云

俗謂漢都負兒巖有出去之狀故山以母岳名而南曰代兒嶺蓋欲其遮截而使不得去也西曰餅市峴蓋以餅餌誘而留之也命名者有深意焉

### 郡邑

史記黃帝畫野分州得百里之國萬區夫中國之地東西南北不過萬里安得萬區之多其謂自中國以達四裔者亦強說爾又禹會諸侯於塗山執玉

帛者萬國按塗山乃東南一隅地且諸侯朝聘有  
時豈有天下諸國一時盡會之理其曰萬國亦言  
其多也非實數也

禹貢註舜分九州為十二州分冀東為并東北為幽  
分青之東北為營營州即遼東漢公孫度據遼東  
自號青州刺史又曰遼東朝鮮等處皆青州之境  
以其地曠隔故分為營州云按并州今太原晉代  
等地是也三才畧會曰幽州即今廣寧以西地營  
州即廣寧以東地也

成都記蜀主孟昶於成都城上種芙蓉如錦因名錦

官城余謂此說非是杜詩花重錦官城註成都府  
江山明媚如錦故呼為錦官城則其稱久矣非始  
於昶也余意錦官云者蓋以蜀中出錦故名之如  
銅官益官珠官之類

安市城按漢書地理志乃遼東屬縣又東史曰安市  
在遼東之北云今人妄生穿鑿欲求之於鴨綠以  
東則錯矣金時習遊關西錄以安州為安市城可  
笑

我國地方分八道置府牧郡縣京畿左右道四牧七  
都護府八郡十八縣凡三十七官忠清道左右道

四牧十二郡三十八縣凡五十四官黃海道二牧  
 四都護府七郡十一縣凡二十四官江原道一大  
 都護府一牧五都護府七郡十二縣凡二十六官  
 全羅道左右道一府三牧四都護府十二郡三十  
 七縣凡五十七官慶尚道左右道一府一大都護  
 府三牧八都護府十四郡四十縣凡六十七官平  
 安道一府一大都護府三牧六都護府十八郡十  
 三縣凡四十二官咸鏡道南北道一府一大都護  
 府一牧十二都護府四郡三縣凡二十二官合三  
 百二十九官而今革者五陞府者二陞大都護府

者一陞都護府者八也

咸鏡道本高句麗地前朝時為東北面後咸州以北  
沒於女真尹瓘擊逐之後又八于元凡九十九年  
而始復之八我朝為豐沛之鄉 太祖朝拓地至  
豆滿江 世宗朝設六鎮其規模布置遠矣然地  
近山戎控禦甚難非國家威靈豈得數百年無事  
乎

慈城間延茂昌虞芮等郡在江界西北逼近虜巢  
世祖朝議棄其地而空之其倉穀移置江界者今尚  
餘數萬石陳腐不堪食 中廟朝野人來居間延

茂昌命發兵驅逐之又令西帥連年代毅俾絕侵  
 占之患今奴胡鷓張日甚漸就近境而恐其生釁  
 莫敢誰何豈非可虞之甚乎

延安城中舊無水辛卯年間趙憲謂倭寇將至而延  
 安為必守之地貽書于府使申恪以北神堂水鑿  
 地注下于城中為守禦之備恪從其計翌年壬辰  
 倭寇圍延安時以城中有水故得以固守至今人  
 皆知申恪之功而不知出於趙憲之策也

永平合抱川為一大都護府迷豚聖末為判官築山  
 城於抱州舊址治地時掘得銅匙鐵鼎匙則柄長

而曲鼎則體狹而長與今制大別自挹州之廢不知幾千百年而其色不小變又得銅印一枚印文猶可辨識云異矣

風俗

禮記曰殷人尚白詩曰有客有客亦白其馬是也然則東方人好著白衣豈亦殷太師之遺風歟  
莊子曰為天子之諸御不穿耳蓋穿耳自右而然非獨我國之俗也

雜書稱婦人有耳璫指環則我國婦人之為倣古制耳唯婦人之髻髮與童子之辮髮出於胡俗禮法

之家欲遵華制而舊俗難以猝變可慨也已

一統志曰朝鮮風俗柔謹為風按金鶴峯以為我國  
人性謙恭遜順八則修事親敬兄之道出則盡忠  
君死長之義士大夫崇禮讓厲廉恥農商工賈亦  
守本業無犯分凌上之習非但柔謹為風而已余  
謂壬辰之後倭賊屯據腹內者七年加以天兵出  
征接濟糧餉負戴供給力所不堪而無怨叛之意  
天朝將士無不嘉歎以曩時言之鶴峯之言其信矣  
賓退錄曰靖州俗居喪不食酒肉益酪而以魚為蔬  
湖北謂之魚菜老杜白小詩曰風俗當園蔬是也



黑叢漫錄曰番禺海邊有鬼市夜半而合鷄鳴而散  
人從之多得異物云余赴京見皇城中為夜市未  
明而罷所謂鬼市疑亦指夜而言

舊稱我國婦女貞信不淫蓋箕子之遺化歟頃年天  
兵初出來劫奸一官娼娼恥之縊死以娼而如是  
謂之貞信亦宜然倭賊與天兵彌漫國內首尾十  
年之間婦女為其所污浸以成俗有不如舊者矣  
中朝女子不出外戶出則必紗掩其面倚市門者唯  
養漢的耳中華禮俗之美於此可見我國男婦混  
雜無別雖不能猝變若為異路之制則庶矣

余見中朝婦人有事亦擔肩而我國則以首戴故董  
越賦曰有頂盃水而手不扶匡者有戴斛米而步  
亦趨蹌者蓋記其異也

古人以坐為常故有侍坐命坐之說有避席割席之  
事管寧之穿榻亦其證也今中朝人以立為禮居  
必踞床至於父子並踞未知此俗始於何代先儒  
危坐之法殆廢矣

江陵風俗淳厚與諸邑別每值良辰請年七十以上  
會于勝地以慰之名曰青春敬老會雖僕隸之賤  
登七旬者皆許赴會自古及今行之不替云

春川之棋檍安邊之永豐伊川之古未吞景為深僻  
人跡罕到此之朱陳村而亂後催科驛騷民受其  
害風俗亦薄蘇子瞻題朱陳村畝曰而今風物那  
堪畫縣吏催租夜打門是矣

我國之俗凡中外鄉邑坊里皆作契以相糾檢謂之香  
徒按輿地勝覽金庚信年十五為花郎時人服從  
號龍華香徒云今香徒之稱蓋本於此

安東風俗最重座首之任非有德行門望為一鄉所  
推服者則功不許焉世傳舊有政丞退老後為座  
首近世金鶴峯誠一以舍人還家鄉論舉公為座

首辭病不出俄有 朝命以執義見召公喜曰吾  
乃今始知宦味矣

耽羅在絕海中居人以海為家以漁採為食歲多漂  
溺男子之得葬者實矣以其男少女多故一夫而  
數十妻者有之雖甚貧窶者亦不下十婦其婦常  
力作以食其夫焉

濟州村巷之女鮮有伉儷每歲三月援兵入歸時女  
輩凝粧携酒來待於別刀浦勸酒相狎迎至其家  
八月罷防則涕泣追送林子順作迎郎送郎曲備  
記其事

山海經卷二

四

桂海志曰土人以鸚鵡為鯨孔雀為腊云乃土產非

怪也

道路

皇明通紀曰成化十五年朝鮮為建州女真邀劫使  
者請改貢路兵部郎中劉大夏執不可曰朝鮮貢  
道自鴉鶻關由遼陽廣寧過前屯入山海迂回四  
三大鎮此祖宗微意若自鴨綠江抵前屯山海太  
徑恐貽他日憂遂不從其請云以此觀之常言自  
鴨綠至山海關有徑路者信矣

麗史太宗親征至遼東道澤泥濘車馬不通命軍剪

草填道以車為梁云余見沙嶺高平盤山等地廣  
野無際兩渚則築長墻數百里以通人馬疑即遼  
澤也

赴京道路自 王京至義州一千一百八十六里自  
義州至 皇都二千十二里鴨綠江抵遼東中間  
曰東八站伯顏洞俗傳元將伯顏駐兵之地鳳凰  
城金石山八渡河皆所經也遼東為大都會華表  
柱廣祐寺白塔望京樓在焉白塔世傳尉遲敬德  
所築海州衛乃管寧舊居安市城在遼東云而今  
不詳其處鞍山即唐太宗駐蹕臺三义河即遼水

三國時為高句麗之界其西則右遼西郡醫巫閭  
 即幽州鎮山廣寧蓋亦幽州之域也山上有聖水  
 盆叅議賀欽故址在焉山海關為遼薊咽喉望海  
 亭枕其角形勢甚壯永平府漢右北平地即李將  
 軍射虎處灤河二水作燕尾形河上有孤竹城城  
 中有夷齊廟玉田古無終地陽雍伯種玉之處薊  
 州古漁陽城外有祿山橋城中有獨樂寺寺有大  
 金佛崆峒山軒皇問道之所薊門烟樹為燕臺八  
 景之一皇城內有柴市乃文丞相死處今國子監  
 所經過賣薪處是也皇城東路左有三忠祠三忠

謂諸葛武侯岳武穆文丞相也黃金臺在皇城迤  
西三十里云

華表柱按三才圖會在遼陽城東六十里然則今遼  
城中指為華表柱者蓋誑之也古詩類苑註遼東  
諸丁譜載令威漢初學道得仙云今鎮東堡在遼  
陽迤東居民多姓丁豈即其地歟

在昔赴京使臣自我國咸從豐川靈光開洋至登萊  
州或浙江下陸故三邑之有妓樂蓋為迎餞使臣  
而設豐川今移屬于安岳云天使祁順詩曰海州  
鄰窳津宋使嘗經此東牟逢麗人舟楫能指示來



從芝崗島風便兩日耳芝崗島今不知所在言兩  
日則其近可知蓋宋以前中國商船絡繹往來至  
大明以倭患故海禁甚嚴不道者餘二百年矣

芝峯類說卷之二